



Flarussencourant2

2025 Oplage 11.000 stöks Aan de geadresseerden van dit adres

Sociëteit de Flarussen prissentee't 't theaterstök

Un Bliëricks gezin (fam Billekes) met 5 kinder, allemaal maedjes.

D'n 6de is op koms. En dan kump as klap on de veur-

Mam (Bea) löp 't ganse stök

rond met 'nne dieken boek, dae

steeds dieker wuurt. hiead

en puffend. Ut ziën d'r toch gen

twië? Kinder sloete wedden-

schappe aaf wat 't wuurt en wie

d'n baby geit heite. Jungske of

maedje. Kinder ziën neet gelök-

kig met nog eine d'r beej. Ozze

pap (Ko) maal 'nne koniën.

ommie al 'nne vreejer.

er e wuwe en wilt

er wilt studere

Decor is 'n gro-

leure.

de veur-

ster, die

zich

de

lekes)

maedjes.

e.

stök

ek, dae

nd

ete keuke met vuuel deure.

En dan kump as klap on de veur-

piel nog 'n gezinsve

Un Bliëricks gezin (fam Billekes)

met 5 kinder, allemaal maedjes.

D'n 6de is op koms. Foutje.

Mam (Bea) löp 't ganse stök

rond met 'nne dieken boek, dae

steeds dieker wuurt. hiead

en puffend. Ut ziën d'r toch gen

twië? Kinder sloete wedden-

schappe aaf wat 't wuurt en wie

d'n baby geit heite. Jungske of

maedje. Kinder ziën neet gelök-

kig met nog eine d'r beej. Ozze

pap (Ko) maal 'nne koniën.

ommie al 'nne vreejer.

er e wuwe en wilt

er wilt studere

Decor is 'n gro-

leure.

de veur-

ster, die

zich

de

lekes)

maedjes.

e.

stök

ek, dae

nd



'T KUMP WIE 'T KUMP

September 2025

Première dónderdaag **20 nov**, vriëdaag **21 nov**, zaoterdaag **22 nov**,
dónderdaag **27 nov**, vriëdaag **28 nov**, zaoterdaag **29 nov**.

Alle veurstellinge beginne um **20.00 oor** in 't Raodhoes van Bliërick.

Kaarte koste **€27,50** per stök (incl. garderobe, pauze-drenkske en reserveringskoste)



MALO Holding bv

'T RAODHOES



VSbfonds.
iedereen doet mee

het
Cultuurfonds



Beste laezer of bezoeker van ós nije stök 't Kump wie 't Kump'

De Flarussen hebbe nao maondelang dinke. schriëve, schrappe en druime 'n tonielstök det neet allein wäörd op pepeer haet gebrach, maar ook speulers op 't toniel in bewaeging haet gezatte.

Dit stök is ontstaon oët 'n behoefte 'n verhaol te vertelle det doën beej de kiëker kump.

Meschien herkint geej óchzelf in ein of ander personage en misschien waert geej daorum oëtgedaag um ens door 'nne andere bril d'rnao te kiëke. En haopelik blief geej ook nao 't valle van 't dook d'r nog aan dinke.

't Make van 'n tonielstök is noets 'n soloreis, d'r zien mierdere schriëvers en liedjesmakers die d'r aan meiwerke. Maar ook neet vergaete de minse veur en achter de scherme.


Vanoët 't Flarussenbestuur dan ook ózze groëte dank aan alle speulers, regiseuse(s), decorbouwers, kleier – schmienkgroep, rekwisiete en de gasdames /gashiëre veur eure enorme inzet en creativiteit.

Daorum beste laezers haope weeje dan ook, óch allemaol te zeen op ein van ós oëtveuringe die gehalde waere op dónderdaag 20 nov. vriëdaag 21 nov, zaoterdaag 22 nov, dónderdaag 27 nov, vriëdaag 28 nov en zaoterdaag 29 nov, in 't Raodhous van Bliërick.

Kaarte zien te bestelle via de Flarussensite www.Flarussen.nl en klik op "Kaarte bestelle".

Hiel vuuël kiëk- en luusterplezeer toegewins.

Gerard Gielen
Veurzitter Sociëteit "de Flarussen"



Daag leef publiek,

't Kump wie 't Kump is dit jaor 't nije stök van de Flarussen.

't Kump, hae kump, het kump, wat kump? Det kin van alles zien.

Familie Billekes is 'n gezin van pap (Ko) 50 jaor en mam (Bea) 49 jaor en eur 5 vrouwluuj.

Ook nog inwoënen opa en oma en de vrind van Guusje.

Vaerder 'n buurmaedje det te pas en te ónpas binne kump renne (haet 'nne eige sleutel) as pap en mam mótte werke, 't huurt 'n bietje beej de familie.

Ko is 'nne harde werker, maar emes zoëas me zaet met twelf ambachte en dertien óngelökke...! D'r is dus altiëd drökte in hoës.

De vrouwluuj zien al groët, dus as die straks 't hoës oët zien, dan haet Bea weer wat vrejen tied. Maar niks is minder waar. 't Löp noets zoëas me dink of haop.

Got mei in 'n tiedspanne van 6 maond met de familie Billekes. Herkinbare perikele in 'n gezin die ós ook kinne euverkómme... of leever neet?

Vuuël kiëkplezeer names ós!

Creatief team,
Paula en Carla

Euverzich van scènes en liedjes.

Scène 1: Gooie morge.
We make kinnis met de familie tiëdes eur óntbijt.
Liedje 1: Bleik wie ein pletske.

Scène 2: Behandelkamer dokter.
Beej d'n dokter.
Liedje 2: Wat zoel det kinne zien?

Scène 3: Aovendaete.
Wat zei dae dokter.
Liedje 3: Spruutjesstamp met sôkkerkäärkes.

Scène 4: Kinnismaking met de thoeshölp.
Liedje 4: Vom Kopf bis Fuss.

Scène 5: De vroedvrouw kump naeve.
Mevrouw Schrouf kump mood inspraeke.
Liedje 5: Dae kump vanzelf.

Scène 6: Wortelepín op ziekebezeuk.
De Pin bringk cadeaus mei.
Liedje 6: DansMaLieke.

Pauze.

Scène 7: Say yes to the dress.
Broëdskleierwinkel.
Liedje 7: Bim!Bam!

Scène 8: Stadhoës.
Fenne en Jochem trouwe veur de wet.
Liedje 8: Dit is wie ik bin.

Scène 9: Receptie.
Trouwreceptie thoës.
Liedje 9: Deutsches Danklied.
Liedje 10: De zuskes.

Scène 10: Op 't vleegeveld.
Det geit neet good.
liedje 11: D'n beste van de stal.
liedje 12: Sloëtleeed.





Billekes, as de batse, maar dan kleiner

Bea en Ko Billekes

Bea (49 jaar) is ein hardwerkende moder, die hiel wat te stelle haet met die vrouwluuj.

Van inkele kriegse hölp en van andere allein maar 'nne groëte mónd. Ko (50 jaar) krieg det allemaol neet mei, want dae zit de ganse daag op d'n bouw in Viersen (Duitsland).

Dae geit op tiëd weg en is altiëd laat thoës. Ko is d'r waal eine van 12 ambachte en 13 ongelökke.

't Fiene werk mósse neet aan Ko euverlaote, want dao is dae vuuels te lómp veur.

't Verhaol begint smorgesvruueg en Bea veult zich neet good, is de halve nach op gewaes, haet mótte speeje en alles dreit um.

Opa Piet en oma Nel woëne in. Opa is 'nne greekbeer. Vaerder haet dae 'n oorlogssyndroom. Hae kin Duitsers neet zeen of lucht. Opa is vruuger prins beej de Wortelepin gewaes en ziene zoon Ko

is now auk beej de Wortelepin.

Opa Piet is aaf en toe de waeg kwiët en zien fiengeveuligheid wat opmerkinge betref is net zoë lómp as 't fiene tummerwerk van Ko. Oma is altiëd weg, kaarte, borrele met vriendinne.

De Kinder

Bea en Ko hebbe 5 vrouwluuj. 't Aldste is Mieke. Mieke woënt same met ziene vrind 'oppe Rui-ver'. Of det zo'n gelökkige 'leefde' is, geluive ze neet beej Billekes. Vaerder is Mieke zónne róndtrekkende kwakzalver det euveral 'n pilke of 'nne poeier veur haet.

Dan kriegse we Guusje det woënt same met Gerrit. Gerrit is ambte-naer en 'n bietje autistisch. Guusje is houv van de klantesservice beej Berden. Same woëne zeej op de zólder van 't elderlik hoës. Ze wille waal trouwe, maar vinde gen geschikte ruimte.

Dan kriegse we Noortje.

Zit de ganse daag op ziene tillefoon en beej Jumbo Benders achter de kassa. Haet de ganse daag Benders kleier aan.

Dan kriegse Fenne. Fenne wilt 't leefste de hut oët, backpacke in Australië, of nao Amerika, meschien nao Japan. Wilt trouwe met Jochem en dan de waereld zeen. Umdet Jochem gen baan kin vinde mótte die reisplanne nog efkes in d'n iëskas. Fenne is 't 'hölpe' van mam Bea.

Dan hebbe we nog Lieke. Haet niks met schoël, slechte punte en is hielemaol gek van voetballe en spesjaal van Lieke Martens. Det voetbalt neet miër 'n 't Nederlands elftal, maar det mak Lieke niks oet. Lieke is 't augäppelke van Ko.

s'Morges dan begint d'n daag met 'nne houp palaver, dae wilt dit en dae wilt det. Normaal smeert

mam de bótterhamme, maar vandaag neet. Mam veult zich neet good, haet slech geslaope en mótte speeje. Smakelik aete.

**Zeuk neet nao
och gelök, want
de zuks dich
'n ongelök**





't Kump wie 't kump

Ein nije oëtvoering van sociëteit De Flarussen vol humor en herkinning! Bliërick kan zich weer opmake veur 'nne aovend vol lachsalvo's, herkinbare situaties en ónvervalste Bliërickse humor.

'n Familie in chaos

't Stök neemp óch mei nao de keuke van de familie Billekens, 'n doorsnee Bliëricks gezin wao 't dageliks laeve zich aafspeult tösse róndslingerende schoon, 'n euvervolle keuketaofel en 'nne eindeloze stroom van familieleden die in- en oëtloupe. Piet, de inwoënende opa, mómpelt aaf en toe det hae vruueger mier rös had in de febriek dan noow in zien eige hoës. Moder Bea duit eur oëterste bes um idderein in 't gareel te halde, maar det is gen gemakkelijke opgave, met viëf dochters die elk eur eige planne en probleme hebbe. As extra hölp kump 'n gezinsverzörgster, Marlene vom Wolf oët Lobberich, d'r beej. 'n Pittige tante die presies wet wie ze 'n hoëshalde nao eur hand kin zette. Toet groët genoeg van d'n eine en toet groëte ergernis van d'n ander.

Humor, muziek en 'n vleugje sentiment

Zoëas geej van de Flarussen gewind ziet, zit in dees oëtveuring weer vuuël humor, dolkomische gesprekke en sketsjes die 't Bliërickse publiek weer zulle laote schatere van 't lache. Maar naeve de komische noëte is d'r ouk ruimte veur emotie en herkinning. De oëtvoering is 'n iërbetoën aan 't laeve zoëas 't noow is: vol verrassing, oëtdaginge en momente wao me dan baeter kin zegge: 't kump wie 't kump!

Kaartverkoop

De kaartverkoop van dees veurstelling geit dit jaor via ein Ticketbureau en start vanaaf **24 september 2025**.

Mier heej euver steit in onderstaond stök in deze courant.

Taevens kump der ein meugelijkheid um hölp te kriege beej 't bestelle van de kaarte. Dit zal dan in 't Raodhoes zien en waal op **maondaag 20 oktober 2025 vanaaf 19.00 oor tot 21.00 oor**.

Mam Bea en pap Ko



Mam Bea en pap Ko

Mam Bea wuurt gespeuld door **Annet Peeters** (49 jaor) en regelt alles. 5 Vrouwluuj is neet niks, en um die in 't gareel te halde, mósse good in dien schoon staon. Pap Ko wuurt gespeuld door **Wim Jansen** (50 jaor) en is de ganse daag pleite op d'n bouw in Vierse. Bemeujt zich neet met d'n hoëshald.

Wie kint geej entreekaarte bestelle veur 't niëje stök van de Flarussen " 't Kump wie 't Kump "

Dit jaor zien de Flarussen euvergestap um de entreekaarte via ein ticketburo te verkoupe. Wie geit det dan in zien werk?

1 Scan de QR-code dan krieg ge de link veur de Flarussen Website, op de Website naor "Kaarte Bestelle" gaon.

of

2 Geej got zelf nao os site www.flarussen.nl en dan nao "Kaarte bestelle". In beide gevalle kint geej de daag en de plaatse wao geej wilt zitte, zelf oëtzeuke en dees reserve.

Nao de reservering, betaling en correcte invölling van 't formulier waere de entreekaarte via de mail nao och toëgezonde.

De oëtvoeringe zien op **donderdag 20 nov., vriëdaag 21 nov., zaoterdaag 22 nov., donderdag 27 nov., vriëdaag 28 nov., en zaoterdaag 29 nov.** in 't Raodhoes van Bliërick. Aanvang 20.00 oor.

De entreekaarte koste **27,50 euro** per stök.

Veur degene die meuijte hebbe met digitale reservering is der op maondaag 20 oktober vanaaf 19.00 oor tot 21.00 oor in 't Raodhoes de gelaegeheid um met hulp van de Flarussen entreekaarte digitaal te bestelle.




Mieke



Mieke

't Aldste gespeuld door **Amanda Crombag**. Woënt same met 'nne vrind 'oppe Ruiver'. Mieke is ónderwiezeres op de kleuterschoël 'oppe Ruiver'. Vaerder speelt det hiël gaer 'doktertje'. Haet hiel vuuël pilkes en zälfkes.

Noortje



Noortje

Noortje gespeuld door **Imke Caris** zit beej Benders achter de kassa. Het is getrouwd met ziene tillefoon. Haet in 't verleeje gedruimp van houv van OK in 't ziekehoës of advocate. Is dao nog neet hielemaal oët. Beej Geert achter de kassa is 't auk lekker mekkelik.



Oma Nel en opa Piet



Oma Nel en opa Piet

Oma Nel wuurt gespeuld door **Lonneke van Doorn** (80 jaor) die dink 'wegweze heej'. Zeej geit leever borrele met de vriendinne, of kaarte. Asse maar neet thoës hoof te zien beej eure mins Piet. Opa Piet wuurt gespeuld door **Ruud Geeraets** (83 jaor) haet op alles en idderein wat aan te merke.

Fenne en Jochem

Fenne is de rechterhand van mam Bea, gespeuld door **Lisa Peeters**. Wilt neet in Bliërick blieve, maar druimp van reize. Jochem, ziene vrind gespeuld door **Ivo Haanen** is zo'n zelfde tiep, is afgestudeerd as ITer, maar vindt gen baan. Dan mó't det reize maar efkes wachte.



Lieke

Lieke


Lieke is 't augäppelke van Ko gespeuld door **Sjuulke Stikkelbroeck**. Haet niks met schoël, altied slechte punte en vindt liere maar 'kwats'. Is waal hiel sportief, voetbalt beej de dames van Bliërick en turnt beej de dames van Olympia.



Jetje

Jetje

Jetje is gen dochter maar löp altiëd binne as se um neet nuuedig haes en wuurt gespeuld door **Pleun Beckers**. Is kind aan hoës beej Billekes en haet zelfs 'nne sleutel van de veurdeur. Ze zeen Jetje as 't zesde kind beej Billekes.



Guusje en Gerrit

Guusje werk beej Berden op de klantenservice en wuurt gespeuld door **Janneke Leenen**. Zoot d'r altiëd netjes oët in mantelpekske en steit s'morges ore veur 't spiegel. D'n boëtekant wilt auk wat. Gerrit is ambtenaer beej de gemeente en wuurt gespeuld door, **Robbie Holtman** wet hiel vuuel 'weetjes', maar haet vaerder neet vuuel te zegge, det duit Guusje waal. Zeej wille waal trouwe, maar hebbe nog niks gevónde en daorum woëne zeej beej pap en mam in.



Dokter en assistente Magda

D'n dokter wuurt gespeuld door **Marcel Claessen** en zien assistente Magda wuurt gespeuld door **Ingrid van Heyster**. Wat die twië op 't werk oëtspoëke hoof nemus te weite, maar as d'r gen patiënte zien, wils neet weite wat dao in die praktijk gebeurt. Hae is waal kundig, met zien kalde hand haet hae 't zoë gevónde.



Marlene vom Wolf

Naodet Bea hölp nuuedig haet in de hoësholding, wuurt d'r 'n hoëshälster gezoch door Magda (van den dokter). Thoeshölpe zien schaars en ze mótte zelfs zeuke in Duitsland. Det wuurt 'n mins oët Duitsland Marlene vom Wolf, gespeuld door **Peter Haanen**. De kinder kinne eur waal schete. Net 'nne kampcommandant.



Waldemar Unter-Erde

Wat kump dae heej doon, det liek waal 'nne doëjegraver. Dit is Waldemar, gespeuld door **Piet Jeurissen**. As dae liëkeauto van um laeg is, dan is hae taxisjofeur veur aldere minse en mak dae ritjes nao Venlo en Bliërick.



't Groëte geheim ▶

Wae is hae dan? Kump Heino zinge. Opa wet 't, maar dae verklap 't neet. De Pin haet auk al interesse. 't Is 'nne zenger, want hae haet 'nne microfoon. Det wilt neet zegge det hae 'nne zenger is. Emand met 'nne microfoon kin auk 'nne wouwelaer zien. Dao hebbe wee d'r genóg van heej in dit land. Maar wae is hae? Hae wuurt in idder geval gespeuld door **Harold Baur**.

Heb geej al kaertjes gekoch

◀ Clim en Pim

De Vors gespeuld door **Ellen Stikkelbroeck** en de Ceremoniemeister gespeuld door **Jan Wilmer** van de Wortelepín kómme efkes op bezeug beej Ko, dae weer 'n óngelökske haet gehad. De Wortelepín viert eur 77ste jubileumjaor en kump kedootjes aafgaeve.





Judith Schrouf en stagiaire

Judith gespeuld door **Annette Hermans** en as stagiaire **Lonneke Gielen**. Judith haet 't vak van zien moder euvergenaome. Het kint de familie Billekes met 5 vrouwluuj netuurlik auk. Geboortes gaon meestal met golfe, hiël vuuel of hiël weinig. Now is 't drök maar of det straks 'n vroedvrouw wuurt, kin ik mich neet veurstelle.



Bode en Ambtenaer

D'n bode wuurt gespeuld door **Marian Berben** en de ambtenaer wuurt gespeuld door **Christa Jeurissen**. Dae ambtenaer kump te laat truuk van 'nne lunch, wao hae te deep in 't glaeske haet gekeke en geregeld terech wuurt geweze door d'n bode. Later op d'n daag kump dae ambtenaer excuses aanbeje en probeert hae 't good te make.



Twie collega's van Ko

Wat kómme die twie doon? 'n Glaeske beer drinke met Ko, of vertelle wie 'schön' 't is in de Heimat. Ze hebbe d'n hamer beej zich, maar ze zeen d'r oët asof ze zich idder moment op de vingers kinne houwe. Tönnis en Scheel waere gespeuld door **Graat Peeters** en **Sef van Doorn**.



De kalde kant

Ik bin gebaore
in Ironie.
Det leed beej
de Sarcastische zië.





Flarussencourant2

'T KUNP WIE 'T KUNP

De Flarussen courant wuurt



Mobiliteit & hulpmiddelen

De Sondert 3a - Venlo/Blerick
www.scogo.nl - 088 2012222

weemen



'T RAODHOES



ADMIE

Administratiekantoor

Pontanusstraat 3, 5921 GN

Venlo-Blerick

T 077-3829407, info@admie.nl.



Bruidssjiek

Trouwjurken
passen voor het plezier!

Rijnaakkade 10 | Bruidssjiek@hotmail.com
5928 PT Venlo | www.bruidssjiek.nl

Mobiel: 0657547267



het cultuurfonds





meugelik gemak door de sponsoren op dees pagina



MAXHEADROOM
MAXIMUM AUDIO !

GELUIDSINSTALLATIES OP MAAT VOOR O.A. GEBEDSHUIZEN WINKELS
OPENBARE RUIMTES UITVAARTCENTRA SCHOLEN CAFE BAR
RESTAURANTS


MAXHEADROOM AUDIO BV MAXHEADROOMAUDIO@GMAIL.COM +31 6 239 606 14



LED
PERONEEL
DECOTAINMENT
THE Crew
FACTORY
WWW.CREWFACTORY.NL



Company Limited
Noorderpoort 93E
5916 PJ VENLO



★ EST.2016 ★
BROUWERSPLAATS
SPECIAALBIER CAFE
VENLO

VSBfonds,
iedereen doet mee



Oet de alde doës

1922 Oetstepke nao Kölle



Zaal „Juliana“
Groeie Steegstraat 2 — Blerick.
Groot Bal
Carnaval Zondag
Flarussenbal
Maandag aanv. 5 uur,
entree 20 cent.
Dinsdag aanv. 5 uur,
entree 15 cent.
Dinsdag nasiddag aanvang 3 uur,
Grote Kraiwagenw-dstrijd. Iets voor oud en jong.
Minz. aanb. **WED. WIENEN-AERTS.**

Sjeng Vincken en
Louis Verheijen



In de Paerdskoel 1982
Sjang Vincken, Jo Gubbels,
Louie Verheijen en Huub Warmerdam



Kleine foto's zien
van revue 1950

**Bierbottelarij
„De Leeuw“**
der
Gebr. W. en J. Schreurs
VENLO, Moerdijkstr. 26
Tel. 554
BLERICK, Markt
Tel. 217
Levert aan huis:
**Pilsener-, Münchener-, Bock-,
Oud- en Lager Bieren**
p. fust en p. flesch
Tevens verkrijgbaar prima kwaliteit
**Limonade, Spuitwater en
Clubsoda**

G. Hafmans - Gubbels
BLERICK

Handel in
Porcelein, Glas- en Aardewerk
Galanterieën enz.
Alle soorten Spielgoederen
Tabak, Sigaren en Sigaretten

Het beste en goedkoopste adres voor
Porcelein, Glas- en Aardewerk
Spielgoederen
Luxe- en Huishoudelijke Artikelen
is en blijft bij

L. Achten - De Vries
Broekstraat

Ruime sortering Prijzen voor Vereenigingen

Voor een leuke foto van Uw kleinste
lieveling is de aangewezen weg naar
Foto - Atelier Koopal

Rookte U reeds de veel geroemde
Ritmeester-Concurrent
6 cts. prijs 10 cts. kwaliteit
NEEMT PROEF
Aanbevelend
Jos. Koopal, bij het Station Blerick

Reunie 1982





Det
waas
erg
leuk,
lache!



Doeën Beejein

Dirigente: Carina Corbeek

Soprane: Ank Bindels, Inge Lommen, Marianne Vestjens

Mezzo's: Jacqueline Derikx, Natasja Venninckx, Marlie Hanraths, Yvonne Jansbeken

Alte: Marleen Cools, Josje van Schaik, Ans Verhaegh, Marian Berben, Francine Frencken, Ellen Giesberts

Tenore: Eric Erprath, Marc Peters, Han Wingbermühle, Eugene Uiting

Basse: Mat van de Eertwegh, Frans Schouren, Hans Fila, John Peeters, Peter van de Burgt



De Flarussen Bend

Van links nao rechts, **trombone**, Andre Benders / **gitaar**, Mathieu Peeters / **basgitaar**, Jack Theunissen / **sax**, Audry Thijssen / **trompet**, Bas van Gestel (bandleider) / **trompet**, Marieke Sax / **toetse**, Jeroen Buskes / **trombone**, Herm Jessen / **drums**, Andre Schouren / **sax**, Huub Jessen

Geej
kómp
toch
ouk

Maondaag 20 okt, digitaal kaertjes bestelle
met hól van inkele Flarussen vanaaf
19.00 tot 21.00 oor in 't Raodhoes



Weej gaon naor de Flarussen!



Bestuur: Huub Jessen penningmeister, Hilde Rayer, Peter Haanen, Gerard Gielen Veurzitter, Mat Lamberigts secretaris.



QR-code um kaarte te bestelle

Maondaag 20 okt,
digitaal kaertjes bestelle
met h lp van inkele Flarussen
vanaaf 19.00 tot 21.00 oor
in 't Raodh es

Heb geej
al kaertjes
gekoch



Vruuger hadde wee
nog gen smileys,
Toen meuste wee
zelf lachen.



Decor: Bernd Stoter, Jack Arts, John Nelissen, Jeroen Heuvelmans, Gerard Gielen, Frans Linders, Koen Haeijen. Neet op de foto staon Hans Heuvelmans, Mark Caris, Daan Caris EN Henk Holthuisen

Decorgroep Flarussen

Toet veur kort waas de decorgroep daakloos. Medio 2024 meuste wee helaas de bouwruimte, die wijle Willem Gerats  s beschikbaar had gesteld, verlaote. Gel kkig k ste wee decorst kke van vurrige producties opslaon in 'n gedeelte van 'n lo ds beej Francois Tebben.

Det waas dus gel kkig veurluipig geregeld. Maar bouwe?  s veurstelling dit jaor is gered door John Nijholt, wao wee in de garage 't decor veur 2025 kinne en meuge bouwe. 't Is wat behelpe, maar vanaaf april 2025 zien wee veurtvarend aan de slaag gegaon. D'r steit weer 'n moei decor. Veur de toek ms bli ve wee op

zeuk nao ruimte um te bouwe. Wae, oh wae, haet veur einen aovend in de waek ruimte beschikbaar veur  s? 'n Ruimte van 100   150 m2 is al voldoende. As d'r maar stroom is en 'n hukske wao wee  s gereidschap en decorst kke kinne opslaon. Wae redt de decorbouwers van de Flarussen?



D'r loog 'n scrip en alle schrievers hadde det thoes gelaeze en now ginge ze commentaar gaeve. Ze vonde allemaol det 't potentie had, d'r zote leuke dinger in die zeker gebroek koste waere. Maar toen hebbe ze toch maar beslaote um hiel vuuel dinger te verandere. Van 7 ginge we nao 4 kinder en toen nao 5. En nog 'n sleutelkiendje wat altied binne leep asse um neet koste gebroeke. De Wortelepin woort d'r in verwerk (want die bestonde 77 jaor) en nog wat collega's van Ko van d'n bouw in Vierse. 'nne Duitsen doëiegräver. Weej hebbe wat aafgelache tiedens die schrieversaoevende. Die woorte altiëd beej Rien gehalde, want dae haet gooie koffie en lekkere koekjes. Maar wae schrief dae blief.

Wae schrief dae blief



Schrievers: Wil Coopmans, Marc Peters, Peter Jansen, Rien Meijer steit neet op de foto

't Kump wie 't Kump, ouk beej de kleiding- en grimekemissie?

Begin 2024 woort door 't bestuur van de Flarussen, same met de schriëvers, bekindgemak det weej in 't naojaor van 2025 weer 'n niej stök, genaamp "Ut kump wie ut kump", op de plenk zoelle gaon bringe! In korte liene woort toen de strekking van 't verhaol en zien houfpersoëne aan ós veurgelag, altiëd weer bes spannend! Op det moment kump ós clubke van 'n aantal dames en hiere nog neet metein in actie, maar ós baovekamers beginne wal al veur-zichtig mei te dreije.

Nao inkele waeke begint ós clubke dan met euverlegge! 't Tiëdpaad van start toet veurstelling wuurt genoteerd in 'n dreijbook det begint beej de prissentatie en stop met 'n evaluatie nao aafloop van de veurstelling. Weej laeze ouk 't scrip en de beschriëving van alle rolle, welke laeftiëd hebbe dees persoëne, wat is eur karakter en in welk tiëdperk en seizoen speelt 't verhaol zich aaf?

In euverleg met de regie begint d'r dan iets te ontstaon, weej kriege langzaam aan 'n beeld wiej de diverse personages d'r oët gaon zeen. Wat netuurlik ouk help is regelmaotig nao de repetities gaon um te kiëke en luustere: wiej praot, löp en bewaeg de persoën?

Al dees gegaeves verzamele weej in 'n "greujbook". Heej-in notere weej alle rolle, door wae zeej gespeuld waere, de biezónderhede, winse van acteurs en aanwiesinge van de regie.

Vervolges verzamele weej heej ouk de kleiding- en schoonmaote van de speulers beej en dan kin 't groëte zeuke gaon beginne! Zelf hebbe weej beej de Flarussen 'n oëtgebreide, diverse collectie kleiding en accessoires door de jaore haer verzameld. Dao begint dan ouk ós speurtoch: "Dees bóks is toch perfek veur opa?" Helaas is die bóks dan toch neet de goje maot. Of: "Ik heb 'n dergelikke tas nog thoës staon, die bring ik wal mei." Ouk diverse twiëde-hands-zake waere bezóch.

Gelökkig is op internet taegewaordig wal alles te vinde. Van 'n net kledje veur oma toet 'nne stethoscoop en zelfs 'nne BH in maot XXXXXL is besteld! As de geselekteerde kleiding is

goodgekeurd, gepas en eventueel vermak, wuurt deze gefotografeerd en aan 't greujbook toegevoog. Langzaamalle alle puzzelstökskes op eur plaats en völle de kleidingrekke zich met alle outfits.

Naodet de meiste kleiding is oëtgezóch gaon weej kiëke nao grime en haor. Wae kriëg welke pruuk op, wiej gaeve weej de speulers 'n passend uterlik? Zoë rónnd mei/juni 2025 waere d'r 'n aantal foto's gemak veur deze krant. Op det moment kump alles beej-ein.

De speulers kleije zich aan in de veur eur oëgezöchste kleiding en weej verzörge de beejpassende grime en haor, de personages kómme toet laeve!

D'r zulle ouk nog 'n aantal repetities in vol ornaat op de bühne wae-re gehalde. Dees gaeve de regie 'nne goje kiëk op 't hiele plaetje, pas alles good in mekaar? Veur, tiëdes en nao de veurstellinge kómme alle leje van de kleiding- en grimekemissie, aangevöld met inkele vreejwilligers in actie, zoëdet alle speulers om 20.00 oor klaar zien um veur óch op te traeye.

Op de vraag: "Kump ut wie ut kump beej de kleier en grime?", kinne weej gerös met nae antwoorde. 't Is 'n proces met 'nne lange aanloop det oëtintelik resulteert in 'n aantal schitterende veurstellinge veur óch. Vanachter de coulisse winse weej óch 'n hiel fijne veurstelling toe. Geneet d'rvan, det doon weej zeker ouk!



Kleier, griem en rekwiesiete: Marijke Caris, Wil Lucassen, Jose Janssen, Renee Beelen, Gertie Franken. Neet op de foto staon Karin Dumont, Hans Heuvelmans en Emmelie Dorsers



Leef minse oët Bliërick en umstraake..



Gasdames/Hière: Ge Janssen, Hilde Rayer, Rieja Linders, Jaqueline Drost, Monique Holthuijsen, Resy Wolters, Jeanneke van Kempen, Leo Wolters

Vanoët de gasdames en gas-hière wille weeë óch van herte oëtnuuedige um in november 2025 nao de oëtveuringe van de Flarussen te kómme.

't Wuurt 'n hilaries stök en 't geit euver de familie Billekes oët Bliërick. Ós taak heejbeeë is óch hertelik te óntvange en óch evt. te begeleide nao óg plaats in de zaal. Geeë meug en kint ós aanspraake veur hólöp as det nuuedig is. Vaerder zulle weeë óch in de pauze wiëze op de gratis drenkskes die veur óch dan klaor staon.

Moch geeë slech ter bein zien, laot 't ós dan van te veure weite, dan bringe weeë óch de versnapering in de zaal.

Gaer zeen weeë óch beeë ein van de 6 oëtveuringe in november 2025 in 't Raodhoes van Bliërick.

Names alle gasdames en gas-hière winse weeë óch 'nne leuke, óntspannende en hilariese aovend toe.

De zals zo'n familie hebbe!



**Ik heuf genne prins
op 't witte paerd,
Ik wil 'nne mafkees
dae mich aan
't lache mak.**



PR kemissie: Hilde Rayer, Rieja Linders, Gerard Gielen, Resy Wolters. Cock Ooms steit neet op de foto.

Waorum 'n sponsorkemissie?

Naodet ik al 'n aantal jaore as gasvrouw beeë idder optraeë van de Flarussen aanwezig bin en dees taak met volle euvergave en met vuuël plezeer oëtveur, had ik te kinne gegaave wat mier te wille doon veur de Flarussen!

Det dit neet aan douvemans oëre waas gerich, meuge dudelik zien! Zoë woort ik vreeë snel heejnao benaderd door ein van de bestuursleje, namelijk Hilde Rayer! Of ik neet in de sponsorkemissie woel plaatsneme! Had namelijk al ierder verteld det ik

gestop waas beeë de sponsorkemissie van de vereeniging van miene man!

Umdet ik 'n nogal drök sociaal laeve heb, had ik wal 'n paar daag bedinktiëd gevraag. Baovedien werk ik óndanks mien pensionering ouk nog steeds! Maar heb nao 'n paar daag toch gezag det ik 't wal leuk zoel vinde um beeë de sponsorkemissie te gaon! En ik mó't zegge, 't is erg leuk um te doon!

Zoë bin ik oëtintelik dus op paad gegaon, heb minse (toekómstige sponsore) persueel benaderd, oëtleg gegaave euver ós fantasti-

sche club de Flarussen en netuurlik waorum sponsoring belangriek is. Meschien door mien spontaan enthousiasme heb ik 'n aantal minse "werm" gemak veur sponsoring van de Flarussen. Det is netuurlik erg leuk!

Dus jao, de sponsorkemissie is tevreje met wat ik "opgehaold" heb door 't werve van (nieje) sponsore.

Ik haop nog lang te kinne en meuge doorgaon veur dees geweldige club...De Flarussen!

Leeve SPONSORE, super bedank veur óg beeëdrage, Rieja



COLOFON

Teksten:

Veurzitter:
Gerard Gielen

Regie:
Paula Nelissen

Bestuur:
Mat Lamberigts

Interview met
Francois Tebben
Marie-Jeanne Thijssen

Gastdames/hiëre:
Jeanneke van Kempen

**Kleier, griem en
rekwiesiete:**
Karin Dumont

Decor:
Jack Arts

Sponsoren:
Rieja Linders

Schrievers:
Wil Coopmans

Tekskorrektie:
Rien Meijer

Fotografie:
Sjaak Francken
franckenfotografie.nl

Vormgaeving:
Wil Coopmans

Beschermhier Dhr. François Tebben:

Beschermhier met 'n groët Flarussenhert: Effe achter de scherme kiëke!

Wie kwaamp geej eigelik beej de Flarussen terech?

"In juni 2019 kreeg ik 'n tillefoontje van veurzitter Gerard Gielen met de vraag of hae effe langs moch kómme. Netuurlik makde ik heej tiëd veur en naodet weeje wat informeel hadde gespraake, kwaam de vraag of ik de rol van Beschermhier woeje aanneme. Nao 'n kort euverleg met mien vrouw – want ja, belangriëke besloëte neemse same – zei ik volmondig jao! Helaas brook kort daonao corona oët en kwaam 't sociale laeve abrupt toet stilstand. Ech kinnismake met alle leje waas in die beginperiode 'n flinke oëtdaging."

Waat beteikent 't veur óch um Beschermhier te zien?

"De Sociëteit sluit naadloos aan op iets wat ik belangriëk vind: maatschappelijk verantwoord ónderneme. Veur zoëwiëd meugelik wil ik de Bliërickse samenlaeving óndersteune. De Flarussen zien 'n bónt gezelschap van jóngk wies ald, det met tomeloze energie en creativiteit de gemeenschap van Groët-Bliërick verbindt. Bin zelf 'nne minsemin, staon gaer tösse de minse en det doon de Flarussen ouk. Dao zit ózze klik!"

Waat heb geej met de Flarussen gemein?

"Tonielspeule en op de bühne staon is mich neet gegaave. En al zeker neet as 't um mien zangtalente geit, dao jaagse idderein mei weg, zaet hae lachend. Ik bin mier van 'what you see is what you get'. 't Oëntielikke doel van iddere Flarus is det de bezeukers nao de veurstelling met 'nne lach op 't gezich weer nao hoës gaon. En det is iets det hebbe weeje gemein! Ouk weeje wille det al ós klante tevreje en met 'nne lach op eur gezich (dus met 'n lekker stök kiës in de tas) weer nao hoës gaon."

Waat mak de Flarussen uniek?

"Dae mix van laeftieje, de ónderlinge sfeer, dae geweldige humor... 't is elke kier zóë aanstaekelik! Waat mich ech rak, is de betrokkeheid van idderein – zoëwaal nao mekaar as nao de Bliërickse gemeenschap. Dët is wat dees club zoë biëzónder mak."

Waat vindt geej van 't nije stök det in november op de plenk steit?

Ik heb 't scrip gelaeze en de ierste rippetitiebezeuke staon al in miene agenda genoteerd. 't Wuurt weer 'n heerlijk stök vol ludieke en hilarische scènes. Ik kiëk d'r enorm nao oët um te ervare wiej 't publiek strakkes geit reagere!

Heb geej zelf 'n rol tiëdes of in aanloup nao de veurstellinge?

"Gaer staon ik beeje de deur um idderein welkóm te heite en netuurlik 'nne fijne aovond te winse. 't Mak mich ech gelökkig um te zeen wieje minse samekómme um te genete van 'nne aovend lache, verbreedere en verwóndere."

Is d'r 'n anekdote die óch is beejgebleve?

"Zeker weite! Asse 't stök good kins, zuusse ouk de kleine 'foutjes' die allein insiders opmerke. Dan zitse as Flarus ech op het puntje van diene stoel: wieje losse zeeje det op? Ik herinner mich 'n scène met Wim Janssen as Wouter in 't Zandt en Ingrid van Heijster as Lola. Wouter waas veurzitter van marionettekorps de Boëte Beinkes en veur de ierste kier beeje de Woeste Hoeve. Dao kreeg hae beeje binnekóms 'n massage! Maar tiëdes de massage verloor hae haos zien pruuk en det waas ech neet de bedoeling! Wim en Ingrid improviseerde d'r op los en 't woort oëntielik 'n hilarische sketch. Maar ouk de veurstelling wao Piet Jeurissen bökend veur de Hemelpaort stónd, zal ik ech noëts vergaete. Zoë zien d'r vuuël herinneringe die mich veur altiëd beeje zulle bliëve."

As geej zelf 'n rol zoeje meuge speule, welke zoeje det dan zien?

"Leever neet op de veurgrónd, laot mich maar lekker tösse de minse zien. Maar as ik dan tóch zoel mótte keze: dan netuurlik de rol van Kiësboer – die is mich toch op 't lief geschreve!"

Waat wilt geeje de Flarussen nog meigaeve?

"Ik haop van herte det d'r steeds nije maar veural ouk jónge aanwas kump. Allein zoë kin deze prachtige, humorvolle club 'n moeje toekóms tegemoet gaon. En allein zoë kinne weeje haopelik nog jaorelang genete van veurstellinge wao Bliërick samekump en idderein zich thoës veult."

As letste?

"Ik bin óngelukkig gruuëts det ik Beschermhier meug zien van zón werme, waerdvolle groep minse. De Flarussen zien 'n verriëking veur Bliërick. Heej is idderein welkóm.....en det veulse!"



QR-code um kaarte te bestelle



Heb d'r boëk- pien van gekrege!





'T KUMP WIE 'T KUMP

Ein theaterproduktie kos hand vol geld en umdet weej os produksies neet allein kinne bekostige oët 't entreegeld en subsidiës zien weej ouk afhankelijk van sponsors.

Daorveur dan ouk osse hertelikke dank heej veur.

"FONDSEN"

het
cultuurfonds



VSBfonds,
iedereen doet mee

"BESTE VADER VAN DE FLARUSSEN"



"PEETOOMES EN PEETTANTES VAN DE FLARUSSEN"



DEAL B.V.



"OOMES EN TANTES VAN DE FLARUSSEN"

Fam. Nooyen,
Jan Grubben Bloemen en Groendecoraties,
Boostenhof VOF,
Friture Royaal,
Hotel Restaurant Wilhelmina B.V.,
Jansen Sale B.V.,
Sur Meuse,
Wash en Drive Horsterweg,
Xie Eyewaer,
Dynamic Beeld Licht en Geluid,
AX Bouw B.V.,
C&S Catering,
De Witte Kerk,
Hansactie,
JPC wand- en plafondafwerking,
Nibo Stone Natuursteen,
Riverdael Netwerk Notarissen

"NAEVE EN NICHTEN VAN DE FLARUSSEN"

Ami Lomm,
Beddenspecialist Juul Lommen,
Foto Kino Linders,
Gebr. Swillens,
Gran cafe Deckers,
Imming Horecabenoedigheden,
Peters-Cabooter Mannenmode,
Rutten Naaimachines,
Ruud Rutten Verkeersopleidingen,
Scogo,
TPP leon Engels,
Uiting Makelaar B.V.,
BK Travel,
Horse Service International B.V.,
Giant Store Venlo,
Rogro,
Mens en Werk Personeelsdiensten B.V.

"FACILITAIRE SPONSORS VAN DE FLARUSSEN"

't Raodhoes Bliërick,
P. Daemen transportbedrijf,
Bakkerij Pijpers,
van Enkevort Groothandel B.V.,
Jumbo Benders

"DONATEURS VAN DE FLARUSSEN"

Body Movement,
Gemaksshop Tegelen,
Schoonheidssalon Anke Tissen,
Van Heyster schoenenmode